

宋
名
家
詞

稼軒詞卷第三

新荷葉

和趙德莊韻

人已歸來杜鵑欲勸誰歸綠樹如雲等閒付與
鶯飛兔葵燕麥問劉郎幾度沾衣翠屏幽夢覺
來水繞山圍有酒重攜小園隨意芳菲往日
繁華而今物是人非春風半面記當年初識崔
徽南雲雁少錦書無箇因依

又

再和前韻

春色如愁行雲帶雨纔歸春意長閒游絲盡日
低飛悶愁幾許更晚風特地吹衣小窗人靜棊
聲似解重圍 光景難攜任他鷓鴣芳非細數
前愆不應詩酒皆非知音絃斷笑淵明空撫餘
徽停盃對影待邀明月相依

又

再題傳巖
斐悠然閣

種豆南山零落一頃爲萁歲晚淵明也吟艸盛
苗稀風流剗地向尊前采菊題詩悠然忽見此

山正繞東籬 千載襟期高
情想像當時小閣
橫空朝來翠撲人衣
是中真趣問騁懷遊
目誰知無心出岫白
雲一片孤飛

又

趙茂嘉趙晉臣和韻見
約初秋訪悠然再用韻

物盛還衰眼看春葉秋
萁賢賤交情翟公門外
人稀酒酣耳熱又何須
幽憤裁詩茂林脩竹小
園曲逕疎籬 秋以爲期
西風黃菊開時拄杖
敲門任他顛倒裳衣
去年堪笑醉題詩醒後方

知而今東望心隨去鳥先飛

又

上巳日吳子似謂
古今無此詞索賦

曲水流觴賞心樂事良辰蘭蕙光風轉頭天氣
還新剛昨皓齒看江頭有女如雲折花歸去綺
羅陌上芳塵能幾多春試聽啼鳥殷勤對景
興懷向來愛樂紛紛且題醉墨似蘭亭別敘時
人後之覽者又將有感斯文

御街行

無題

闌干四面山無數
供望眼朝與暮
好風吹雨過
山來吹盡一簾煩
暑紗厨如霧
簾紋如水別有
生涼處
冰肌不受鉛華污
更旒旒真香聚
臨風一曲最妖嬈
唱得行雲且住
藕花都放木犀
開後待與乘鸞去

又

山中問盛復
之提幹行期

山城甲子冥冥雨
門外青泥路
杜鵑只是等閑
啼
莫被他催歸去
垂楊不語
行人去後也會風

前絮 情知夢裏尋 鷓鴣玉殿追班處 怕君不
飲太愁生 不是苦留君住 白頭笑我年年送客
自歎春江渡

祝英臺近

晚春

寶釵分桃葉渡 煙柳暗南浦 怕上層樓十日九
風雨 斷腸點點飛紅都無人管 更誰勸流鶯聲
住 鬢邊覷試把花卜歸期 才簪又重數 羅帳
燈昏 哽咽夢中語 是他春帶愁來 春歸何處 却

不解帶將愁去

又

與客飲瓢泉客以泉聲喧靜爲問余醉未及會或者以蟬噪林逾靜代對意甚美矣翌日爲此

賦詞以褒之

水縱橫山遠近拄杖占千頃老眼羞明水底看
山影試教水動山搖吾生堪笑似此箇青山無
定一瓢飲人間翁愛飛泉來尋箇中靜遠屋
聲喧怎做靜中鏡我眠君且歸休維摩方丈待
天女散花時問

婆羅門引

別杜叔高叔高長於楚詞

落花時節杜鵑聲裏送君歸
未消文字湘纍只怕蛟龍雲雨後
會渺難期更何人念我老大傷悲
已而已而算此意只君知
記取岐亭買酒雲洞題詩
爭如不見纔相見便有別離時
千里月兩地相思

又

用韻別郭逢道

綠陰啼鳥陽關未徹
早催歸歌珠悽斷
纍纍回

首海山何處千里芙蓉期歎高山流水絃斷堪
悲中心悵而似風雨落花知更擬停雲君去
細和陶詩見君何日待瓊林宴罷醉歸時人爭
看寶馬來思

又

用韻會傳先之時
傳先之宰龍泉歸

龍泉佳處種花滿縣却東歸腰間玉若金纍須
信功名富貴長與少年期恨高山流水古調今
悲臥龍暫而算天上有人知最好五十學易

三百篇詩男兒事業看一日須有致君時端的
了休便尋思

又

用韻會趙晉五教文

不堪鷓鴣早教百艸放春歸江頭愁殺吾纍却
覺君侯雅句千載共心期便畱春甚樂樂了須
悲 瓊而素而被花惱只鷲知正要千鍾角酒
五字裁詩江東日算道繡斧人去未多時還又
耍玉殿論思

又

趙晉臣敷文張登甚盛索賦偶憶舊游米章因及之

落星萬點一天寶焰下層霄人間疊作僊鼈取
愛金蓮側畔紅粉裊花梢更鳴鼉擊鼓噴玉吹
簫 曲江画橋記花月可憐宵想見閒愁未了
宿酒纔消東風搖蕩似楊柳十五女兒腰人笑
柳那箇無聊

千年調

開山徑得石壁因名曰蒼壁事出壁外意天之所賜邪喜而賦

左手把青霓右手挾明月吾使豐隆前導叫開

閭闔周遊上下徑入寥天一覽玄圃萬斛泉千
丈石 鈞天廣樂燕我瑤之席帝飲予觴甚樂
賜汝蒼璧璘珣突兀正在一丘貉余馬懷僕夫
悲下恍惚

又

蕨菴小閣名曰卮
言作此詞以嘲之

卮酒向人時和氣先傾倒最要然然可可萬事
稱好滑稽坐上更對鴟夷笑寒與熱總隨人甘
國老 少年使酒出口人嫌拗此箇和合道理

近日方曉學人言語未會十分巧看他門得人
憐秦吉了

粉蝶兒

和趙晉臣敷
文賦落梅

昨日春如十三女兒學繡一枝枝不教花瘦甚
無情便下得雨僂風慙向園林鋪作地衣紅縐
而今春似輕薄蕩子難久記前時送春歸後
把春波都釀作一江醇酎約清愁楊柳岸邊相
候

千秋歲

金陵壽史帥致
道時有版築役

塞垣秋艸又報平安好算俎上英雄表金湯生
氣象珠玉霏譚笑春近也春花得似人難老
莫憺金尊倒鳳詔看看看到畱不住江東小從容
帷幄裏整頓乾坤了千百歲從今盡是中書考

江神子

和人
韻

騰雲殘日弄陰晴晚山明小溪橫枝上綿蠻休
作斷腸聲但是青山山下路青到處總堪行

當年綵筆賦蕪城憶平生若爲情試把靈槎歸
路問君平花底夜深寒較甚須拚却玉山傾

又

梨花著雨晚來晴月朧明淚縱橫繡閣香濃淡
鎖鳳簫聲未必人知春意思還獨自遶花行
酒兵昨夜壓愁城太狂生轉關情寫盡胸中塊
磊未全平却與平章珠玉價看醉裏錦囊傾

又

和陳仁
和韻

玉簫聲遠憶驂鸞幾悲歡帶羅寬且對花前痛
飲莫畱殘歸去小窗明月在雲一縷玉千竿
吳霜應點鬢雲斑綺窗閑夢連環說與東風歸
興有無問芳艸姑蘇臺下路和淚看小屏山

又

寶釵飛鳳鬢驚鸞望重歡水雲寬腸斷新來翠
被粉香殘待得來時春盡也梅結子笋成竿
湘筠簾捲淚痕斑珮聲閒玉垂環箇裏柔溫容

我老其間却笑平生三羽箭何日去定天山

又

和人韻

梅梅柳柳鬪纖穠亂山中爲誰容試著春衫依
舊怯東風何處踏青人未去呼女伴認驕驄
兒家門戶幾重重記相逢画樓東明日重來風
雨暗殘紅可惜行雲春不管裙帶褪鬢雲鬆

又

博山道中書王氏壁

一川松竹任橫斜有人家被雲遮雪後疎梅時

見兩三花比著桃源溪上路風景好不爭些
旗亭有酒徑須賒晚寒咱怎禁他醉裏匆匆歸
騎自隨車白髮蒼顏吾老矣只此地是生涯

又

聞蟬蛙
戲作

簾鋪湘竹帳籠紗醉眠些夢天涯一枕驚回水
底沸鳴蛙偕問喧天成鼓吹良自苦爲官耶
心空喧靜不爭多病維摩意云何掃地燒香且
看散天花斜日綠陰枝上噪還又問是蟬麼

又

送元濟之
歸豫章

亂雲擾擾水潺潺笑溪山幾時閒更覺桃源人
去隔僊凡桃源乃王氏酒壚
與濟之送別處萬壑千巖樓外雪
瓊作樹玉爲欄倦遊回首且加餐短篷寒畫
圖間見說嬌顰擁髻待君看二月東湖湖上路

官柳嫩野梅殘

又

賦梅寄
余叔良

暗香橫路雪垂垂晚風吹曉風吹花意爭春先

出歲寒枝畢竟一年春事了緣太早却成遲
未應全是雪霜姿欲開時未開時粉面朱唇一
半點胭脂醉裏訪花花莫恨渾冷澹有誰知

又

別吳子似米
寄潘德久

看君人物漢西都過吾廬笑談初便說公卿元
自要通儒一自梅花開了後長怕說賦歸歎
而今別恨滿江湖怎消除算何如杖屨當時聞
早放教疎今代故交新賢後渾不寄數行書

又

侍者請先生
賦詞自壽

兩輪屋角走如梭
大忙些怎禁他
擬倩何人天
上勸
羲娥何似從容來
左右傾美酒聽高歌
人生今古不消磨
積教多似塵沙
未必堅牢刻
地實堪嗟
莫道長生學不得
學得後待如何

又

和李能伯韻
呈趙晉臣

五雲高處望西清
玉階升棣華
榮築屋溪頭樓
觀
畫難成長夜
笙歌還起問誰放
月又西沉

家傳鴻寶舊知名看長生奉殿宸且把風流水
北窗耆英咫尺西風詩酒社石鼎句要彌明

青玉案

元

東風夜放花千樹更吹落星如雨寶馬雕車香
滿路鳳簫聲動玉壺光轉一夜魚龍舞蛾兒
弄柳黃金縷笑語盈盈暗香去衆裏尋它千百
度驀然回首那人却在燈火闌珊處

感皇恩

滁州寄
蘇州

春事到清明十分花柳喚得笙歌勸君酒酒如
春好春色年年依舊青春元不老君知否 席
上看君竹清松瘦待與青春鬪長久三山歸路
明日天香襟袖更持金盞起爲君壽

又

七十古來稀人人都道不是陰功怎生到松姿
雖瘦偏奈雪寒霜曉看君雙鬢底青青好 樓
雪初晴庭闈嬉笑一醉何妨玉壺倒從今康健

不用靈丹仙艸更看一百歲人難老

又慶慈母五
恭人七十

七十古來稀未為希有須是榮華更長久滿牀
靴笏羅列兒孫新婦精神渾似箇西王母 遙
想画堂兩行紅袖妙舞清歌擁前後大男小女
逐箇出來為壽一箇一百歲一盃酒

又讀莊子闢朱
晦菴卽世一

案上數編書非莊卽老會說忘言始知道萬言

千句不自能忘堪笑今朝梅雨霽青天好一
壑一丘輕衫短帽白髮多時故人少子雲何在
應有玄經遺艸江河流日夜何時了

又

壽銘山陳
丞及之

富賢不須論公應自有且把新詞祝公壽當年
僊桂父子同攀希有人言金殿上他年久冠
冕在前周公拜手同日催班魯公後此時人羨
綠鬢朱顏依舊親朋來賀喜休辭酒

行香子

三山作

好雨當春要趁歸耕況而今已是清明小窗坐
地側聽簷聲恨夜來風夜來月夜來雲 花絮
飄零鴛燕丁寧怕妨儂湖上閒行大心肯後費
甚心情放霎時陰霎時雨霎時晴

又

山居
客至

白露園蔬碧水溪魚笑先生釣罷還鋤小窗高
臥風展殘書看北山移盤谷序輞川圖 白飯

青蒨赤脚長鬚客來時酒盡重沽聽風聽雨吾
愛吾廬歎苦無心剛自瘦此君疎

又

博山戲呈趙
昌甫韓仲止

少日嘗聞富不如貧貧不如賤者長存由來至
樂總屬閒人且飲瓢泉弄秋水看停雲 歲晚
情親老語彌真記前時勸我慇懃都休帶酒也
莫論文把相牛經種魚法教兒孫

又

雲巖
道中

十四
雲岫如簪野漲接藍向春闌綠醒紅酣青裙縞
袂兩兩三三把麪生禪玉版局一時叅拄杖
彎環過眼嵌巖岸輕烏白髮鬢鬢他年來種萬
桂千杉聽小綿蠻新格磔舊呢喃

一剪梅

游蔣山呈
葉丞相

獨立蒼茫醉不歸日暮天寒歸去來兮探梅踏
雪幾何時今我來思楊柳依依白石崗頭曲
岸西一片閒愁芳艸萋萋多情山鳥不須啼桃

李無言下自成蹊

又

中秋
無月

憶對中秋月桂叢花在盃中月在盃中今宵樓
上一尊同雲溼紗窗雨溼紗窗 渾欲乘風問
化工路也難通信也難通滿堂惟有燭花紅盃
且從容歌且從容

踏沙行

庚戌中秋後二夕
帶湖築岡小酌

夜月樓臺秋香院宇笑吟吟地人來去是誰秋

到便淒涼當年宋玉悲如許
隨分盃盤等閒
歌舞問他有甚堪悲處
息蠶却也有悲時重
節陽
近多風雨

又賦木
雄

弄影闌干吹香崑谷枝
枝點點黃金粟未堪收
拾付薰爐窗前且把離騷讀
奴僕葵花兒曹
金菊一枝風露清涼足
倚邊只欠箇姮娥分明
身在蟾宮宿

又

賦稼軒
集經句

進退存亡行藏用舍小人請學樊須稼衡門之
下可棲遲日之夕矣牛羊下去衛靈公遭桓
司馬東西南北之人也長沮桀溺耦而耕丘何
爲是栖栖者

又

和趙國興
知錄韻

吾道悠悠憂心悄悄最無聊處秋光到西風林
外有啼鴉斜陽山下多衰艸長憶商山當年

四老塵埃也走咸陽道爲誰書到便幡然至今
此意無人曉

定風波

暮春
漫興

少日春懷似酒濃插花走馬醉千鍾老去逢春
如病酒唯有茶甌香篆小簾籠 卷盡殘花風
未定休恨花開元自要春風試問春歸誰得見
飛燕來時相遇夕陽中

又

大醉歸自葛園宋人有
痛飲之戒故書于壁

昨夜山翁倒載歸，兒童應笑醉如泥。
試與扶頭渾未醒，休問夢魂猶在葛家溪。
欲覓醉鄉今古路，知處溫柔東畔白雲西。
起向綠窗高處看，題徧劉伶元自有賢妻。

又

用藥名招婺源馬荀仲游雨崑馬善醫

山路風來艸木香，雨餘涼意到胡牀。
泉石膏肓吾已甚，多病隄防風月費篇章。
孤負尋常山間醉，獨自應知楊子艸。
玄忙湖海早知身汗漫。

誰伴只甘松竹共淒涼

又

乘名

仄月高寒水石鄉倚空青碧對禪房白髮自憐
心似鐵風月史君仔細與平章平簪生涯筇
竹杖來往却慚沙鳥笑人忙便好賸留黃卷句
誰賦銀鈎小艸晚天涼

又

施樞密聖
與席上賦

春到蓬壺特地晴神仙隊裏相公行翠玉相挨

呼小子須記笑簪花底是飛瓊
總是傾城來
一處誰妒誰攜歌舞到園亭
柳妒腰肢花妒艷
聽著流罵直是妒歌聲

又
席上送范先
之游建鄴

聽我尊前醉後歌
人生無奈別離何
但使情親
千里近須信無情對面是山河
寄語石頭城
下水居士而今渾不怕風波
偕使未成鷗鷺伴
經慣也應學得老漁簑

又

三山送盧國華提
刑約上元重來

少日猶堪話別離
老來怕作送行詩
極目南雲無雁過
君看梅花也解寄相思
無限江山行未了
父母不須和淚看
旌旗後會丁寧何日是
須記春風十里放燈時

又

用前時國華置
詞歌舞甚盛

莫望中州歎黍離
元和盛德要君詩
老去不堪誰似我
歸臥青山活計費尋思
誰築詩壇高

十丈直上看君斬將夏
搴旗歌舞正濃還有語
記取鬚髯不似少年時

又

自和

金印累累佩陸離
河梁夏賦斷腸詩
莫擁旌旗真箇去
何處玉堂元自要
論思且約風流三
學士同醉春風看
試幾搶旗從此酒
酣明月夜耳熱那
邊應是說儂時

又

賦杜鵑花

百紫千紅過了春杜鵑聲苦不堪聞却解啼教
春小住風雨空山招得海棠魂 恰似蜀宮當
日女無數猩猩血染赭羅巾畢竟花開誰作主
記取大都花屬憺花人

又

再用韻和趙
晉臣數文

野艸閒花不當春杜鵑却是舊知聞謾道不如
歸去住梅雨石榴花又是離魂 前殿群臣淡
殿女赭袍一點萬紅巾莫問興亡今幾許聽取

花前毛羽已羞人

破陣子

爲范南伯壽時南伯爲張南軒拜宰盧溪南伯遲遲未行因作此以

勉之

擲地劉郎玉斗挂帆西子扁舟千古風流今在
此萬里功名莫放休君王三百州燕雀豈知
鴻鵠貂蟬元出兜鍪却笑盧溪如斗大肯把牛
刀試手不壽君雙玉甌

又

爲陳同甫賦壯詩以寄之

稼軒卷三

汲古閣

醉裏挑燈看劒夢回吹角連營八百里分麾下
角五十絃翻塞外聲沙場秋點兵 馬作的盧
飛快弓如霹靂弦驚了却君王天下事贏得生
前身後名可憐白髮生

又

贈

少日春風滿眼而今秋葉辭柯便好消磨心下
事也憶尋常醉後歌新來白髮多 明日扶頭
顛倒倩誰伴舞婆娑我定思君拚瘦損君不思

今可奈何天寒將息呵

又

趙晉臣數文幼女縣主覓詞

菩薩藜中惠眼碩人詩裏娥眉天上人間真福
相画就描成好鬢兒行時嬌更遲 勸酒偏多
最劣笑時猶有些痴更著十年君看取兩國夫
人更是誰殷勤秋水詞

又

峽石道中有懷吳子似縣尉

宿麥畦中雉雌桑葉陌上蠶生騎火須防花月

暗玉唾長攜綵筆行隔牆人笑聲 莫說弓刀
事業依然詩酒功名千載途中今古事萬石溪
頭長短亭小塘風浪平

時修圖經集亭候
途中之途當作圖

臨江仙

梅

老去憐花心已嬾愛梅猶遶江村一枝先破玉
溪春夏無花態度全是雪精神 曠向青山餐
秀色爲渠著句清新竹根流水帶溪雲醉中渾
不記歸路月黃昏

又醉窗崇福寺寄祐之弟祐之以僕先歸

莫向空山吹玉笛壯懷酒醒心驚四夏霜月太
寒生被翻紅錦浪酒滿玉壺冰小陸未須臨
水笑山林我輩鍾情今宵依舊醉中行試尋殘
菊處中路候淵明

又

再用韻送祐之弟歸浮梁

鍾鼎山林都是夢人間寵辱休驚只消閒處過
平生酒盃秋吹露詩句夜裁冰記取小窗風

雨夜對牀燈火多情問誰千里伴君行曉山眉
樣翠秋水鏡般明

又

小僮人憐都惡瘦曲眉天與長顰沉思歡事惜
腰身枕添離別淚粉落却淡旬翠袖盈盈渾
力薄玉笙嫋嫋愁新夕陽依舊倚窗塵葉紅苔
鬱碧淡院斷無人

又

逗曉鶯啼聲呢呢掩關高樹冥冥小渠春浪細
無聲井窗聽夜雨出薛轆轤青碧碧旋荒金
谷路烏絲重記蘭亭彊扶殘醉遶雲屏一枝風
露溼花重入疎櫺

又

卽席和韓
南澗韻

風雨催春寒食近平原一片丹青溪頭喚渡柳
邊行花飛蝴蝶亂桑嫩野蠶生綠野先生閒
袖手却尋詩酒功名未知明日定陰晴今宵成

獨醉却笑衆人醒

又

爲岳
母壽

住世都知菩薩行
仙家風骨精神壽如山
岳福如雲金花湯沐誥
竹馬綺羅裙
更願昇平添喜事
大家禱祝殷勤
明年此地慶佳辰
一盃千歲酒
重拜太夫人

又

和信守王道夫韻謝
以爲壽時僕作闕憲

記取年年爲客夜
只今明月相隨
莫教絃管便

生衣引壺觴自酌須富貴何時入手清風詞
夏好細書白璽烏絲海山問我幾時歸棗瓜如
可啖直欲覓安期

又

春色饒君白髮了不妨倚綠偎紅翠鬟催喚出
房櫳垂肩金縷窄醮甲寶杯濃睡起鴛鴦飛
燕子門前沙暝泥融画樓人把玉西東舞低花
外月唱徹柳邊風

又

金谷無煙宮樹綠嫩寒生怕春風博山微透暝
薰籠小樓春色裏幽夢雨聲中 別浦鯉魚何
日到錦書封恨重重海棠花下去年逢也應隨
分瘦恐淚覓殘紅

又

戲爲期思
詹老壽

手種門前烏榭樹而今千尺蒼蒼田園只是舊
耕桑盃盤風月夜簫鼓子孫忙 七十五年無

事客不妨兩鬢如霜綠窗刻地調紅粧更從今
日醉三萬六千場

又

手撚黃花無意緒等閒行盡回廊捲簾芳桂散
餘香枯荷難睡鴨疎雨暗添塘憶得舊時攜
手處如今水遠天長羅巾浥淚別殘粧舊歡新
夢裏閒處却思量

又

和葉仲洽
賦羊桃

憶醉三山芳樹下幾曾風韻忘懷黃金顏色五
花開味如盧橘熟賢似荔枝來 聞道商山餘
四老橘中自釀秋醅試呼名品細推排重重香
肺腑偏帶聖賢益

又

冷雁寒雲渠有恨春風自滿余懷叟教無日不
花開未須愁菊盡相次有梅來

醅
多要安排不須連

日醉且進兩三盃

又

侍者阿錢將行
賦錢字以贈之

一自酒情詩興嬾舞裙歌扇關珊好天良夜月
團團杜陵真好事畱得一錢看歲晚人欺程
不識怎教阿堵畱連楊花榆筴雪漫天從今花
影下只看綠苔圓

又

諸葛元亮席上
見和再用韻

夜雨南堂新瓦響三更急雨珊珊交情莫作碎

沙團死生貧富際試向此中看
記取他年耆舊傳與君名字牽連清風一枕晚涼天覺來還
自笑此夢倩誰圓

又

七歲歲生
讀書懷

六十三年無限事從頭悔恨難追已知六十二
年非只應今日是後日又尋思少是多非惟
有酒何須過後方知從今休似去年時病中留
客飲醉裏和人詩

又再用圓
字韻

窄樣金盃休教了房櫳試聽珊珊莫教秋扇雪
團團古今悲笑事長付後人看 記取桔槔春
雨後短畦菊艾相連拙於人處巧於天君看流
水地難得正方圓

又戲爲山園
蒼壁解嘲

莫笑吾家蒼壁小稜層勢欲摩空相知惟有主
人翁有心雄泰華無意巧玲瓏 天作高山難

得料解嘲試倩楊雄君看當日仲尼窮從人賢
子貢自欲學周公

又

簪花屐
墮鼓作

鼓子花開春爛熳荒園無限息壘今朝拄杖過
西鄉急呼桃葉渡爲看牡丹忙 不啻昨宵風
雨橫依然紅紫成行白頭陪奉少年場一枝簪
不住推道帽簷長

又

醉帽吟鞭花不住却招花共商盟人生何必醉
爲鄉從教斟酒淺休更和詩忙 一斗百篇風
月地饒他老子當行從今三萬六千場青青頭
上髮還作柳絲長

又

昨日得家報牡丹漸開連日少雨多晴
當年未有僕畱龍安蕭寺諸君亦不果
來豈牡丹畱不住爲恨耶
因取來韻爲牡丹一語

祇恐牡丹畱不住與君約束分明未開微雨半
開晴要花開定準又更與花盟 魏紫朝來將

進酒玉盤盃樣先呈鞞紅似向舞腰橫風流人
不見錦繡夜間行

又

老去渾身無著處天教只住山林百年光景百
年心愛歡須歎息無病也呻吟 試向浮瓜沉
李處清風散髮披襟莫嫌淺後更頻斟要他詩
句好須是酒盃淡

又

停雲
偶作

偶向停雲堂上坐
曉猿夜鶴驚猜
主人何事太
塵埃
低頭還說向
彼召又重來
多謝北山
山下老殷勤
一語佳哉
偕君竹杖與芒鞋
徑須從此去
淡入白雲堆

蝶戀花

和趙景明
知縣韻

老去怕尋年少伴
画棟朱簾
風月無人管
公子看花
朱碧亂新詞攪斷
相思怨
涼夜愁腸
千百轉
一雁西風
錦字何時遣
畢竟啼鳥才思短

喚回曉夢天涯遠

又 和楊濟翁韻首句
用丘宗卿書中語

檢點笙歌多釀酒蝴蝶西園暖日明花柳醉倒
東風眠晝錦覺來小院重攜手 可憐春殘風
又雨收拾情懷閒把詩俚憇楊柳人見離別後
腰肢近日和他瘦

又 和楊濟翁韻饒范
南伯知縣歸京口

淚眼送君傾似雨不折垂楊只倩愁隨去有底

風光畱不住煙波萬頃春江艣
老馬臨流癡
不渡應憺障泥忘了尋春路身在稼軒安穩處
書來不用多行數

又

席上贈揚
濟翁侍兒

小小年華才月半羅幕春風幸自無人見剛道
羞郎低粉面傍人瞥見回嬌盼
昨夜西池陪
女伴柳困花慵見說歸來晚勸客持觴渾未慣
未歌先覺花頭顫

又

用趙文鼎提舉送李正之提刑韻送鄭元英

莫向樓頭聽漏點說與行人默默情千萬總是
離愁無近遠人間兒女空悲怨錦繡心胸水
雪面舊日詩名曾道空梁燕傾蓋未償平日願
一盃學唱陽關勸

又

容有燕語鴛啼人乍遠之句用爲首句

燕語鴛啼人乍遠却恨西園依舊鴛和燕笑語
十分愁一半翠闌特地春光暖只道書來無

過雁不道柔腸近日無腸斷
柄玉莫搖湘淚點
怕君喚作秋風扇

又

送祐之弟

衰艸斜陽三萬頃
不算飄零天外孤鴻影幾許
淒涼須痛飲
行人自向江頭醒
會少離多看
兩鬢萬縷千絲
何況新來病
不是離愁難整頓
被他引惹其他恨

又

元日立春

誰向椒盤簪綵勝
整整韶華爭上春
風鬢往日
不堪重記省
爲花常把新春恨
春未來時先
借問晚恨開遲早
又飄零
近今歲花期消息定
只愁風雨無憑準

又
引下醉書
德巖石浪

九畹芳菲蘭佩好
空谷無人自怨蛾
眉巧寶瑟
泠泠千古調
朱絲絃斷知音少
冉冉年華
吾自老
水滿汀洲
何處尋芳艸
喚起湘纍歌未了

石龍舞罷松風曉

又

用前韻
送人行

意態憨生元自好學画鴉兒舊日偏他巧蜂蝶
不禁花引調西園人去春風少 春色無情秋
又老誰管閒愁千里青青艸今夜情簪黃菊了
斷腸明日霜天曉

又

洗盡機心隨法喜看取算前秋息如春意誰與

先生寬髮齒醉時惟有歌而已
歲月何須溪
上記千古黃花自有淵明比高臥石龍呼不起
微風不動天如醉

又

何物能令公怒喜山要人來人要山無意恰似
哀箏絃下齒千情萬意無時已
自要溪堂韞
作記今代雲梯好語花難比老眼狂花空亂處
銀鈎未見心先醉

小重山

席上和人韻送
李千永提幹

旋製離歌唱未成陽關先画出柳邊亭中年懷
抱管絃聲難忘處風月此時情 夜雨芙蓉聽
儘教清夢去兩三程商壘詩價重連城相如老
漢殿舊知名

又

三山與客
泛西湖

綠漲連雲翠拂空十分風月處著衰翁垂楊影
斷岸西東君恩重教且種芙蓉 十里水晶宮

有時騎馬去笑兒童殷勤却謝打頭風船兒住
且醉浪花中

又

茉莉

倩得薰風染綠衣國香收不起透冰肌畧開些
箇未多時窗兒外却早被人知越憺越嬌癡
一枝雲鬢上那人宜莫將他去比荼蘼分明是
他更韻些兒

南鄉子

隔戶語春鶯纔掛簾兒歛袂行漸見凌波羅襪
步盈盈隨笑隨顰百媚生 著意聽新聲盡是
司空自教成今夜酒腸難道窄多情莫放紗籠
蠟炬明

又

舟中
記夢

欹枕艣聲邊貪聽咿啞聒醉眠夢裏笙歌花底
去依然翠袖盈盈在眼前 別後兩眉尖欲說
還休夢已闌只記埋冤前夜月相看不管人愁

獨自圓

又慶前岡周氏旌表

無處著風光天上飛來詔十行父老歡呼童穉
舞前岡千載周家孝義鄉艸木盡芬芳夏覺
溪頭水也香我道烏頭門側畔諸郎準備他年
畫錦堂

又送趙國宜赴高安戶曹

日日老萊衣夏解風流蠟鳳嬉膝上放教文度

去須知要使人看玉樹枝
剩記乃翁詩綠水
紅蓮覓舊題歸騎春衫花滿路
相期來歲流觴
曲水時

又

登京口北
固亭有懷

何處望神州滿眼風光北固樓
千古興亡多少
事悠悠不盡長江滾滾流
年少萬兜鍪坐斷
東南戰未休天下英雄誰敵手
曹劉生子當如
孫仲謀

鷓鴣天

離像章別詞
馬漢章大監

聚散匆匆不偶然。三年歷遍楚山川。但將痛飲
酬風月。莫放離歌入管絃。縈綠帶。點青錢。東
湖春水碧連天。明朝放我東歸去。後夜相思月
滿船。

又

和張子
志從舉

別後粧成白髮新。空教兒女笑陳人。醉尋夜雨
旗亭酒。夢斷東風輦路塵。騎馱駟。荷青雲。看

公冠佩玉階春。忠言句句唐虞際。便是人間要路津。

又

樽俎風流有幾人。當年未遇已心親。金陵種柳歡娛地。庾嶺逢梅寂寞濱。樽似海。筆如神。故人南北一般春。玉人好把新粧樣。淡画眉兒淺注唇。

又代人賦

晚日寒鴉一片愁，柳塘新綠却溫柔。若教眼底
無離恨，不信人間有白頭。腸已斷，淚難收。相
思重上小紅樓。情知已被雲遮斷，頻倚闌干不
自由。

又

陌上柔桑破嫩芽，東隣蠶種已生些。平岡細艸
鳴黃犢，斜日寒林點暮鴉。山遠近，路橫斜。青
旗沽酒有人家。城中桃李愁風雨，春在溪頭薺。

菜花

又

撲面征塵去路遙
香篝漸覺水沉銷
山無重數
週遭碧花不知名
分外嬌
人歷歷馬蕭蕭
旌旗又過小紅橋
愁邊剩有相思句
搖斷吟鞭碧

玉梢

又

唱徹陽關淚未乾
功名餘事且加餐
浮天水送

無窮樹帶雨雲埋一半山
今古恨幾千般只
今離合是悲歡江頭未是風波惡
別有人間行
路難

又

鵝湖道中

一榻清風殿影涼
涓涓流水響回廊
千章雲木
鈎輈叫十里溪風
穉穉香
衝急雨
趁斜陽
山
園細路轉微茫
倦途却被行人笑
只爲林泉有
底忙

又

鵝湖歸
病起作

枕簟溪堂冷欲秋，斷雲依水晚來收。
紅蓮相倚渾如醉，白鳥無言定自愁。
書咄咄，且休休，一丘一壑也風流。
不知筋力衰多少，但覺新來嬾上樓。

又

指點芳尊特地開，風帆莫引酒船回。
方驚共折津頭柳，却喜重尋嶺上梅。
催月上，喚風來，莫

愁瓶罄恥金罍只愁画角樓頭起急管哀絃次
第催

又

著意尋梅懶便回何如信步兩三盃山纔好處
行還倦詩未成時雨早催 攜竹杖屐芒鞋朱
朱粉粉野蒿開誰家寒食歸寧女笑語柔桑陌
上來

又

翠木千尋上辟蘿東湖經雨又增波只因買得
青山好却恨歸來白髮多 明画燭洗金荷玉
人起舞客高歌醉中只恨歡娛少無奈明朝酒
醒何

又

困不成眠奈夜何情知歸未轉愁多暗將往事
思量遍誰把多情惱亂他 些底事誤人多不
成真箇不思家嬌癡却妒香香睡喚起醒鬆說

夢些

又

鄭守厚卿席上謝
余伯山用其韻

夢斷京華故倦游，只今芳艸替人愁。
陽關莫作三疊唱，越女應須爲我留。
看逸韻自名流，青衫司馬且江州。
君家兄弟真堪笑，箇箇能修五鳳樓。

鳳樓

又

和人韻
有所贈

趁得西風汗漫游，見他歌後怎生愁。
事如芳艸

春長在人似浮雲影不留
眉黛斂眼波流十
年薄倖說揚州明朝短棹輕衫夢只在溪南
畫樓

又

徐衡仲撫幹
惠琴不受

千丈陰崖百丈溪孤桐枝上鳳偏宜玉香落落
雖難合橫理庚庚定自奇

山谷聽摘阮歌云
立壁庚庚有橫理人

散後月明時試彈幽憤淚空垂不如却付騷人
手畱和南風解慍詩

又

用前韻和趙文鼎提來賦

莫上扁舟訪剡溪，淺斟低唱正相宜。
從教犬吠千家白，且與梅成一段奇。
香暖處，酒醒時，畫簷玉筋已偷垂。
笑君解釋春風恨，倩拂蠻牋只費詩。

又

重九席上

戲馬臺前秋雁飛，管絃歌舞夏旌旗。
要知黃菊清高處，不入當年二謝詩。
傾白酒，遶東籬，只

於陶令有心期
明朝九日渾瀟灑
莫使算前欠
一枝

又

有甚閒愁可皺眉
老懷無緒自傷悲
百年旋逐
花陰轉萬事長看鬢髮知
溪上枕竹間棋怕
尋酒伴懶吟詩
十分筋力誇彊健
只比年時病
起時

又

送范先
之秋試

白苧新袍入嫩涼
春蠶食葉響迴廊
禹門已準
桃花浪
月殿先收桂子香
鵬北海
鳳朝陽
又攜書
劔路茫茫
明年此日青雲上
却笑人間舉子忙

又

一夜清霜變鬢絲
怕愁剛把酒禁持
玉人今夜
相思
不想見
頻將翠枕移
真箇恨未多時也
應香雪減些兒
菱花照面須頻記
曾道偏宜淺

画眉

又

送歐陽國瑞入吳中

莫避春陰上馬遲
春來未有不陰時
人情輾轉閒中看
客路崎嶇倦後知
梅似雪柳如絲
試聽別語慰相思
短篷炊飯鱸魚熟
除却松江枉費詩

又

木落山高一夜霜
北風驅雁又離行
無言每覺

情懷好不飲能令興味長
頻聚散試思曩爲
誰春艸夢池塘中年長作東山恨莫遣離歌苦
斷腸

又席上再
川韻

水底明霞十頃光天教鋪錦襯鴛鴦最憐楊柳
如張緒却笑蓮花似六郎方竹簟小胡牀晚
來消得許多涼背人白鳥都飛去落日殘鴉夏
斷腸

又 石門
道中

山上飛泉萬斛珠懸崖千丈落鼙鼙已通樵逕
行還碍似有人聲聽却無 閒畧約遠浮屠溪
南修竹有茅廬莫嫌杖屨頻來往此地偏宜著
老夫

又 敗棋罰
賦悔雨

漠漠輕陰撥不開江南細雨熟黃梅有情無道
東邊日已怒重驚忽地雷 雲柱礎水接臺羅

衣費盡博山灰當時一識和羹味便道爲霖消
息來

又

黃沙道
中卽事

句裏春風正剪裁溪山一片畫圖開輕鷗自起
虛船去荒犬還迎野婦回松共竹翠成堆要
擎殘雪關疎梅亂鴉畢竟無才思時把瓊瑤蹴
下來

又

元溪不
見梅

千丈冰溪百步雷柴門都向水邊開亂雲騰帶
炊煙去野水閒將日影來穿窈窕過崔嵬東
林試問幾時栽動搖意態雖多竹點綴風流却
欠梅

又

戲題
村舍

鷄鳴成羣晚未收桑麻長過屋山頭有何不可
吾方羨要底都無飽便休新柳樹舊沙洲去
年溪打却邊流自言此地生兒女不嫁余家卽

聘周

又

春日卽事題
毛村酒壚

春日平原蒿菜花新耕雨後落群鴉多情白髮
春無奈晚日青帘酒易賒閒意態細生涯牛
欄西畔有桑麻青裙縞袂誰家女去趁蠶生看
外家

又

睡起
卽事

水荇參差動綠波一池蛇影噤群蛙因風野鶴

飢猶舞積雨山樵病不花
名利處戰爭多門
前蠻觸日干戈不知夏有槐安國夢覺南柯日
未斜

又

石壁虛雲積漸高溪聲遶屋幾週遭自從一雨
花零落却愛微風艸動搖呼玉友薦溪毛殷
勤野老著相邀杖藜忽避行人去認是翁來却
過橋

又

送元濟之
歸豫章

欹枕婆娑兩鬢霜起聽簷溜碎喧江那邊玉筍
銷啼粉這裏車輪轉別腸 詩酒社水雲鄉可
看醉墨幾淋浪画圖却似歸家夢千里河山寸
許長

又

醉菊花無
有戲作

掩鼻人間臭腐腸古今惟有酒偏香自從來住
雲煙畔直到而今歌舞忙 呼老伴共秋光黃

花何處避重陽。要知爛熳開時節，直待西風一夜霜。

又

席上吳子似諸友
見和再用韻答之

翰墨諸公久擅場。胸中書傳許多香。都無絲竹啣盃樂，却有龍蛇落筆忙。
閒意思，老風光。酒徒今有幾高陽。黃花不怯西風冷，只怕詩人兩鬢霜。

又

自古高人最可嗟，只因疎懶取名多。
居山一似庚桑楚，種樹真成郭橐駝。
雲子飯，水晶瓜，林間攜客更烹茶。
君歸休矣吾忙甚，要看蜂兒晚
趁衙。

又

通山

拋却山中詩酒窠，却來官府聽笙歌。
閒愁做弄天來大白髮，栽培日許多。
新劔戟，舊風波，天生子懶奈予何。
此身已覺渾無事，却教兒童莫

恁麼

又

點盡蒼苔色欲空竹籬茅舍要詩翁
花餘歌舞歡娛外詩在經營慘澹中
聽軟語笑衰容一枝斜墜翠鬟鬆
淺顰淡笑誰看醉看取瀟然林

下風

又

用前韻賦梅三山梅開時猶有青葉予時病齒

病繞梅花酒不空齒牙牢在莫欺翁
恨無飛雪

青松畔却放疎花翠葉中
水作骨玉爲容當年宮額鬢雲鬆
直須爛熳燒銀燭橫笛難看一夜風

又

桃李漫山過眼空也宜惱損杜陵翁
若將玉骨水姿比李蔡爲人在下中
尋驛使寄芳容龍頭休放馬蹄鬆
吾家籬落黃昏後剩有西湖處士風

又有
感

出處從來自不齊後車方載太公歸誰知寂寞
空山裏却有高人賦采薇黃菊嫩晚香枝一
般同是采花時蜂兒辛苦多官府蝴蝶花間自
在飛

又

讀淵明詩不能去手
戲作小詞以送之

晚歲躬耕不怨貧隻雞斗酒聚比隣都無晉宋
之間事自是羲皇以上人千載後百篇存夏

無一字不清真若教王謝諸郎在未抵柴桑陌
上塵

又

髮底青青無限春殘紅飛雪謾紛紛黃花也伴
秋光老何似尊前見在身 書萬卷筆如神眼
看同輩上青雲箇中不許兒童會只恐功名更
過人

又

戊午拜俊職
奉祠之命

老退何曾說著官今朝放罪上恩寬便支香火
眞祠奉馱綴文書舊殿班扶病腳洗衰顏快
從老病偕衣冠此身忘世渾容易使世相忘却
自難

又 和趙晉臣
數文韻

綠鬢都無白髮侵醉時拈筆越精神夢將燕語
追前事更把梅花比那人回急雪過行雲近
時歌舞舊時情君侯要識誰輕重看取金盃幾

許淡

又

和傅先之
提舉賦雪

泉上長吟我獨清
喜君未共雪爭明
已驚竝水鷗無色
更怪行沙蟹有聲
添爽氣動雄容
奇因六出憶陳平
却嫌鳥雀投林去
觸破當樓雲
母屏

又

博山
寺作

不向長安路上行
却教山寺厭逢迎
味無味處

求吾樂材不材間過此生
寧作我豈其卿人
間走遍却歸耕一松一竹真朋友
山鳥山花好弟兄

又
寐不

老病那堪歲月侵
霎時光景值千金
一生不負溪山債
百藥難醫書史浮
隨巧拙任浮沉
人無同處面如心
不妨舊事從頭記
要寫行藏入笑林

又

有客慨然談功名

壯歲旌旗擁萬夫
錦澹突騎渡江初
燕兵夜娖銀胡
鞞漢箭朝飛金僕姑
追往事歎今
吾春風不染白鬚鬚
却將萬字平戎策
換得東家種樹書

又

沈良顯家
牡丹一本

占斷雕欄只一株
春風費盡幾工夫
天香夜染衣猶溼
國色朝酣醉未蘇
嬌欲語巧相扶不

妨老幹自扶疎恰如翠幙高堂上來看紅衫百
子圖

又

賦牡丹主人以
詞花索賦解嘲

翠蓋牙籤數百株楊家姊妹夜游初五花結隊
香如霧一朶傾城醉未蘇 閒小立困相扶夜
來風雨有情無愁紅慘綠今宵看恰似吳宮教

陣圖

又

再賦

濃紫淡黃一面圖中間更有玉盤盃先裁翡翠
裝成葢更點胭脂染透酥香嫩艷錦模糊主
人長得醉工夫莫攜弄玉欄邊去羞得花枝一
朶無

又

去歲花枝把酒盃雪中曾見牡丹開而今紈扇
薰風裏又見疎枝月下梅歡幾許醉方回明
朝歸路有誰催低聲待向他家道帶得歌聲滿

耳來

又

壽吳子似縣尉
時攝事城中

上巳風光好放懷故人猶未看花回茂林映帶
誰家竹曲水流傳第幾盃
摘錦繡寫瓊瑰長
年富賢屬多才要知此日生男好曾有周公被
禊來

又

寄葉
仲治

是處移花是處開古今興廢幾池臺背人翠羽

偷魚去抱藥黃鬚
趨蝶來 掀老甕撥新醅
客來且盡兩三盃
日高盤饌僕何晚
市遠魚鮓買未回

又

登一丘一壑偶成

莫帶春光花下遊
便須準備落花愁
百年雨打風吹却
萬事三平二滿休
將擾擾付悠悠
此生於世百無憂
新愁次第相拋舍
要伴春歸天盡頭

又

和吳子似
山行韻

誰共春光管日華
朱朱粉粉野蒿花
閒愁投老無多子
酒病而今較減些
山遠近路橫斜
正無聊處管絃譁
去年醉後猶能記
細數溪邊第幾家

又

過峽石川韻
答吳子似

歎息頻年廩未高新詞
空賀此丘遭
遙知醉帽時時落
見說吟鞭步步搖
乾玉唾
禿錐毛
只

今明月費招邀最憐烏鵲南飛句不解風流見
二喬

又

吳子似
過秋水

秋水長廊水石間有誰來共聽潺潺羨君人物
東西晉分我詩名大小山 竊自樂晚方間人
間路窄酒盃寬看君不了癡兒事又似風流靖
長官

又

和章泉
趙昌父

萬事紛紛一笑中
淵明把菊對秋風
細看爽氣今猶在
惟有南山一似翁
情未好
語言工
三賢高致古來同
誰知止酒停雲老
獨立斜陽數過鴻

瑞鷓鴣

京口有廬山中故人

算年不賦短長詞
和得淵明數首詩
君自不歸歸甚易
今猶未足足何時
偷閒定向山中老
此意須教鶴輩知
聞道只今秋水上
故人曾榜

北山移

又

京口病中起登
連滄觀偶成

聲名少日畏人知，老去行藏與願違。
山艸舊曾呼遠志，故人今有寄當歸。
何人可覓安心法，有客來覩杜德機。
却笑使君那得似，清江萬頃白鷗飛。

又

膠膠擾擾幾時休，一出山來不自由。
秋水觀中

秋月夜停雲堂下菊花秋
隨緣道理應須會
過分功名莫彊求
先自一身愁
不了那堪愁上
更添愁

又

乙丑奉祠歸
舟次餘干賦

江頭日日打頭風
憔悴歸來那曼容
鄭賈正應
求死鼠葉公豈是好真龍
孰居無事陪犀首
未辨求封遇萬松
却笑千年曹孟德
夢中相對
也龍鍾

又

期思溪上日千回
樟木橋邊酒數盃
人影不隨流水去
醉顏重帶少年來
疎蟬響澀林逾靜
冷蝶飛輕菊半開
不是長卿終慢世
只緣多病又非才

稼軒詞卷第三

終